

要修科儀戒律鈔卷之十六

甲六

三洞道士朱法滿編

梵誦三契

禮懺文

衆等伏聞至聖高真慈哀六道冥寂大智憐愍四生情慮溺此愛河神識沉斯苦海以其善惡命根因緣未絕生死報對倚伏無窮雖復智大長然神光不照寶船恒泛舟楫未過所以生此世中身非已有今日七人某甲見道闍法奉誠修經以鳳篆陶心龍章瑩質情起十轉智入九玄知二世皆空識四大假合仙期未滿更須改易恐存亡業累脫有違餘果報因緣或繫愆咎皆藉福田悉俟功德即時法衆為某甲家五服亡靈三師神路頓頌歸誠運心頂禮禮太上無極大道十方應現聖人願降神力救度亡者濟拔窮冤解除罪報皆得遊遊淨土練識仙宮受號玉京證果金闕混合正真無上道

竊惟衆聖出化種種度人真仙示現時時顯迹或作形像乍留聲教引接凡夫今無苦報

念其出生入死疲勞心識捨身受命困辱精神未曉受納前緣寧知將來後際漂浪忘反輪迴不息如慈悲不救終沒罪田今日某甲少乘奇操從師問道奉法布德立功功德脫有未圓幽顯須應福助衆等齊為俱發大乘之心行上士之業普為十方世界帝王國主君臣吏民受法師匠出世學士悉為專情稽首歸命禮謝三十六部妙經金簡玉字龍文鳳采九品真言五方正教特希玄力廣度公私同得真仙俱蒙慈解四達圓明六道具足弘闡三乘度脫五道咸令自在皆趣道場

今此世界人倫生命由來斷促四大虛假五常浮偽如逝水之不停譬石火之飄忽所以白駒難駐黑影易流千載斯須百年幻惑縱如彭安亦從物化自非乘龍之侶何能獨免若大期應盡誰能運力以今某甲捨身因緣難披生事宛然由在光顧無所對晤豈親友感悔亦使行路嗟傷萬古長辭一生永別衆等皆為廣發慈心普達十方一切含靈抱識

天神地祇寬親平等及世間苦受地獄罪惡名相所總胎卵化濕悉為稽首歸命禮玄中大法師得道聖衆願以六通智慧放五色光明普度幽顯咸令安樂使惡緣銷盡善業成就有識四生皆歸三寶三禮充乃三契

宿命有信然 人命以銷盡 大賢樂經戒已上五二五之意

三契竟案二五行吊慰之禮後更讀移文恐煩重吟三契訖即一人讀移文不須如俗法言故自有也竟內移前兩子中內外皆辭拜別著蓋未可下釘即奏章畢下釘哭泣布總髮行吊慰之禮

章法

還書移文前經法衣物別紙書章謹條某州縣鄉里男人大洞弟子云云奉玄都正一平氣云云

上言謹按文書右牒男生三洞弟子某出身入道勿粟至法妙品圖篆略備而不能幽居習誦夷神抱一達迎人伍染累風塵罪結過滿身盡神逝以今月某日某時謝命天地長

0124 R 4 35

設土官既有生時經實符圖法具衣衾等物  
便以今日其時殯殮尸形緘封土塚恐生犯  
死誦或為故氣禁忌之鬼山川妖傷之精拘  
闔死人不通道理又恐地下四時主者萬里  
父老丘丞墓伯地下二千石不相安隱謹條  
經書欽具遷伴如牒謹為伏地拜章一通上  
謹臨尸使者關欽君吏一合下監臨殯欽安  
隱骸喪長寧萬里隨業轉輪功成事畢所請  
衆官謁還天曹列受功賞進秩如常科比無  
今失意有恚恨者生死犯並乞原赦恩惟  
大上分別云云

右前是臨殯章須大治道士受破殘錄者  
奏之既有經目不可示外人一兩日燒之  
若非大行人歛時必無于第三禮三契非  
卒敢罷燕之上章事須明解一失節度束手  
無依謹依科撰三歸略陳切要亡人入棺訖  
先依孟先生作移書了即於棺頭鋪席然香  
將小馨子打三下歛長訖乃長跪騰亡者情  
事  
伏聞法本無生而有死匹雲中電火如海

上波城候忽不與人期窮冥誰知趣向少時  
暫遇所倚為親念念遷移俱非常保時時捨  
故戚以哀人今日亡其命偶良緣待生聖代  
聞經見道奉誠修真旦暮揖其龍章晨昏朝  
其鳳篆本圖鶴舉永願雲昇豈悟孔水推年  
莊山促壽一朝捨命萬劫長乖思坐起而無  
從對衾衾而洒淚裝束既整殯服以施良時  
入棺謹依喪禮所有移文具條列疏讀移文  
讀移文訖唱三歸休當為亡者歸休十方大  
道願降威神拔七世苦根解三塗結縛速遊  
妙苑練識仙官稽首至真無極大道

當為亡者歸休三十六部專經願王字全篇  
資神養性龍文鳳篆榮所濟情永離此艱長  
居南極稽首宗玄自然法寶  
當為亡者歸休後聖請得道玄中大法師朗  
七覺光明照六通智慧普度幽顯咸濟死生  
稽首十方無邊聖品事竟內移文於棺頭休  
任主人下釘安蓋二孟云若葬日餘至時移  
棺於堂上安白布幔障前大殮後三日成服  
仍於柩左安靈牀東向施帷屏風机褥服飾

備具如生時朝中進膳未成服前孝子於靈  
南頭以布中總髮為地北向以東為上晝夜  
哭至成服出靈前再拜稽首拜畢至柩所哭  
盡哀還靈牀南頭倚哭輕者於靈前西向倚  
哭以北為上哭拜行吊慰之禮今若按此儀  
大成難解非但孝子北向西向致感吊人亦  
乃從此生疑今酌此儀未成服前以布中總  
髮前安白布幔男左女右三日以後成服訖  
於棺頭南安靈施屏風几褥非但吊者見亦  
乃孝子左右得宜張法師刺與此相似

### 成服儀第六

受治以滿籥  
三五元命及八卷十籥八卷者定志券身玄  
券賣子券乞兒券上消四卷者血凍券神仙  
券大度券通靈券十籥者除滿籥三五籥元  
命籥外更有新邪籥破殘百鬼召籥都章華  
印籥九州社令籥太玄四都籥河圖籥音甲  
籥東野大禁籥十將軍籥  
右件依小孟儀若大孟無八卷十籥石井  
公有十籥無八卷依小孟同絲麻三月服

男女十五升布為表冠若大孟及石井公  
孟云發蒙之教恩情極重

制舉哀受吊無成服之儀今按易云童蒙來  
求我匪我求童蒙若不發童蒙終當見覆界  
女經云先師後師適當有敬宜容敬乃是同

服而頓隔依小孟三月以為過允  
五千文 大誠百八十律 真誥 五徽  
六甲 禁山

右件二孟同制小功五月男女十一升布  
為裳十二升布為冠今人不為冠直為中  
者務省耳按儒禮喪服以慶吉服吉服頭  
戴冠身上著襪身下著裳若按二孟十二  
升布為冠用十一升布為襪若若石井  
公云此等同服小功五月男絹巾女練裳  
今人既以為巾何不編作明學道之人羸  
衣布褐及其師死更著練裳非但於理有  
違亦乃人情未可既言小功五月那更將  
絹為承接喪服儀云總麻者縷小如絲實  
是麻作故曰總麻小功者布縷既小用功  
則多故曰小功布縷既大用功則少故曰

大功石井公雖有此條竊不用也請依二  
孟未葬之前布冠布褐若其葬畢布中布  
帔

自然 中盟 三皇 五符 七傳 實神  
等經符實神即洞神經也

右件二孟同制服大功九月男女七升布  
為衣十一升布為冠石井公直云九月不  
言升數

靈寶大盟 真經三品具經即上清大洞其  
經也三品是上清受道經有二品經目合三  
十五卷三錄一八系曲辭錄二上皇玉錄三  
請三天正法錄三奔日奔月奔星奔三奔即  
是三景受上清三奔登上玉清景上清景太  
清景今受三奔符稱三景弟子

右件二孟同制服齊衰期男女四升布為  
衣七升布為冠心喪三年不從樂樂若前  
來五千文自然大盟等三條中經法同是  
一師受者皆服斬衰三年從極重之制飲  
食言語觀聽寢處皆依孝子本儀竟則服  
吉而無餘禮今人大盟之師則一期散髮

上清之師或去無服或至三號或云九月  
非直不識三品三奔三錄未知三品復是  
何經直據七傳是上清枝條因而即服九  
月坐由不親經卷覽復能周師以慕  
廣輕傳實乃愛紫華受陶先生云古人以  
為皮好吾今以為耳學信哉斯言豈其受  
得上清見經而不識既不識法豈得慢師  
上清大盟同是真經俱存重服請各思審  
二孟久詳

經師 籍師

右二孟云二人而言服經師小功籍師大  
功亦復看師之輕重者師輕重者為師三  
年為籍師一期為經師大功為師一期籍  
師大功經師小功為師大功籍師小功經  
師三日為師小功籍師三月為師無服若  
師為籍師皆輕弟子於師又輕各從減之  
也  
同學  
右二孟同制總麻三月日服  
師為弟子



右二孟云師為弟子例一等為師三年報一期齊衰者九月大功者五月小功三月石井云報服同弟子唯不解髮耳至如俗禮所明以早服尊從二孟為九師年過若若不勝哀心喪而已

二孟云門中弟子為師依經說度脫生死恩重二親而居喪事用不同俗禮既無凶苦不為拔經諸餘服紀皆依法輕重以為制度石井云報服所養生小成後並須散髮不服受法大小若著服者臨時自裁

### 送葬儀第七

若是大德名人可依鎮經五練生尸經預書五石一依經法此不具載至葬日行喪以入塚經實旛安供養香花幡蓋伎樂誦詠次第施列在前道士從喪者於後以靈舉次之亦幡花於前次第三祭食舉第四喪舉舉後孝子是其弟子重者在前行者在後若有俗人孝子最在後若船行應尊者行後終今前吉後凶次第逐時當消息也

至墓入廣安置法取中前入棺安經塚前伏

養律法安靈林塚右設祭於前男者塚左女者塚右從道七正正向塚對經行道儀極謹請行者都設畢齊食竟弟子於祭前請祭文竟哭盡來畢起解經法畢內經於塚中若路途又以時消息之

入棺竟於柩頭安石林案于置上內所將經法置中安仙童於左玉女於右神仙兵馬安塚口兩邊龕前又安方牀施几案紙筆硯墨手中香火等物孝子皆拜奉辭靈塚竟行吊慰之禮畢還已上並二孟所制滿案其俗禮貧富有宜徧歷其經亦無等制信然還鬼水上仁安反是火中古以野馬棺莊周以天地為槨窆專在禮法度數觀於眾人之耳目哉若以生能重道德死必賤形骸隨事變通逐時增減不在一二三四之數

### 安靈儀第八

二孟云次靈林位五尺林南向施屏帷帳幔衣物隨四時法牀前安橙列香火中笏梳刷服飾朝旦安几褥暮移別牀席安枕被晨仍卷取朝中進食真楊枝淨水手巾一如生時

所須四時用物陳列成在二孟云若公王父伯師長來吊孝子出戶外迎從別道還靈東頭倚哭以北為上次輕孝於靈前北向倚哭以來為上尊者進客位位亦以東為上伏哭五聲音來吊孝子跪受尊者撫手仍再拜

畢送至迎處還倚哭畢若俗人重者不須拜若次重者直出靈東頭倚哭哭竟來吊跪受執手客去哭訖若平人吊直依次坐哭受客吊客卑者直禮拜不執手若次敬者跪執手平體者直倚執手客若法俗中有親緣者吊慰竟更於靈前倚哭展哀乃去若客自從有喪以來未經相見者雖於孝子平體亦須出倚哭受吊

### 弟子歸本觀儀第九

二孟云若非時節各還本館者則安下下林於北壁下南向以西為上坐哭受吊若客尊者跪受執手平者坐受吊施安客位於西壁下安五尺牀東向開後客東向以次上牀以北為上伏哭五聲起吊孝跪執手如前今人不安得靈請以空堂受吊

孝子居寢處安素下牀除舊屏帷以薦發圍  
牀戶懸白布幔清履言語對而不問

除服儀第十

二孟云自從初七二七三七至百日周年隨  
心功德竟過此靈上朝中無復施設唯安香  
火至再周亦可除之滿意言亦可除者當知  
有不除之義既無名德豈久安林張法師云  
安香牀弟子旦夕哭泣三日內設齋中時下  
齋食至四日已上設清水一盆百日訖毀座  
除服隨輕重也既是名德百日恐情所未申  
今若是至德朝野共尊雖劔易委形神昇天  
闕所在號慕瞻仰几筵若水安林不俱恒例  
如弟子中受法至極而服斬衰可再周安林  
若弟子盡服一期者可一周安林若服九月  
者可九月安靈若服五月者可五月安靈有  
三月服者可百日安林若過貧窮又無後胤  
雖安靈席空設几筵進獻靡增塵盈垢積安  
雖乃易除甚將難如情所不勝請隨時消息  
若名德既不過人又無後胤殯葬以足送終  
如例不煩靈席若是絕於世事合光藏輝名

譽如泡身形似夢不求厚葬無事几筵既有  
遺言各隨所況也

要修科儀戒律鈔卷之十六

正一天師清微弟子 洪百堅 製作



道教學術資訊網站

齋戒錄

第七

夫入靖修真要齋戒檢口慎過其道漸階  
南華真經云顏回問道於孔子孔子曰汝齋  
戒吾將語汝顏回曰回居貧唯不飲酒不如  
葷久矣孔子曰是祭祀之齋非心齋也汝一  
志無以耳聽而以心聽無以心聽而以氣聽  
疏論汝心志潔靈汝精神拮擊汝智慮我將  
語汝夫道冥然難言哉將為汝試言其約略  
爾混元皇帝聖紀云按諸經齋法略有三種  
一者設供齋以積德解愆二者節食齋可以  
和神保壽斯謂祭祀之齋中士所行也三者  
心齋謂疏淪其心除嗜慾也潔靈精神去穢  
累也拮擊其智絕思慮也夫無思無慮則專  
道無嗜無慾則樂道無穢無累則合道既心  
無二想故曰一志焉蓋上士所行也夫齋者  
齊也齊整三業乃為齋矣若空守節食既心  
識未齊又唯存一志則口無貪味謂茲二法  
表裏相資大戒經云夷心靜默專想不二過  
中不味內外清虛是也子雖薄閑節食未解  
調心故示齋法令其受道而末學之徒既能